



Jinsi ya kutumia Kondomu ya Kike ya FC2



Kwanini tunapaswa kutumia FC2?

Kuna sababu nyingi za kufurahisha na za kupendeza za kutumia FC2. Hapa kuna baadhi ya sababu hizo!

- FC2 ina njia mbili za ulinzi. Hii inamaanisha inatoa kinga dhidi ya ujauzito na magonjwa ya zinaa, ikiwemo VVU. FC2 inaruhusu wanawake na wanaume kujamiiana kwa amani bila hofu ya matokeo mabaya.
- FC2 inaweza kuingizwa kabla ya kujamiiana. Hii inamaanisha hauhitaji kuvuruga maandalizi ya awali kabla ya kujamiiana ili kuvaa kondomu.
- FC2 imeundwa kutoshea ndani ya uke na inaruhusu uume kuingia kwa uhuru ndani ya kondomu wakati wa kujamiiana.
- FC2 inabadilika haraka kulingana na joto la mwili kwa hivyo inahisi joto na asili.
- FC2 imewekwa vilainishi. Ukipenda, unaweza kuongeza mafuta zaidi au kilainishi jamii ya maji kwa ndani ya kondomu au nje ya kondomu au moja kwa moja kwenye uume. Hii inaweza kurahisisha uingiaji na kuruhusu uume kuingia na kutoka kwa urahisi wakati wa kujamiiana.
- FC2 haina aleji na ni chaguo zuri kwa wanaume na wanawake ambao wana aleji ya mpira wa latex.
- Uume huitaji kuwa umesimama ili utumie FC2, na sio lazima uondolewe mara tu baada ya kujamiiana.
- Wanaume na wanawake wanaweza kufurahia kwa pamoja wakiingiza FC2. Pete zile mbili pia zinaweza kuongeza raha wakati wa kujamiiana. Wanaume wengine wanafurahia kuigusa pete ya ndani ya kondomu, wakati wanawake wanaweza kufurahia hisia za pete ya nje kugusa kisimi chao.


Kwanini tunapaswa kutumia FC2?



Je! Kondomu ya kike ya FC2 ni nini?

- FC2 ni kondomu laini, nyororo na ngumu, iliyotengenezwa kwa nyenzo ya mpira, ambayo huvaliwa ndani ya uke.
- Ni ya wazi ambayo ina urefu wa sentimita 17 au inchi 6.5, ina pete ya ndani inayoweza kutanuka na pete ya nje iliyoviringishwa. Pete ya ndani, upande uliofungwa wa kondomu, hutumiwa kuingiza FC2. Pia inashikilia kondomu wakati wa kujamiiana. Pete kubwa ya nje, sehemu ya wazi ya kondomu, inabaki nje ya uke.
- FC2 huingia sambamba na uke na kuziba shingo ya kizazi. Inashikilia shahawa baada ya kumwaga, huzuia ujauzito usiopangwa, na huweka kizuizi cha virusi na bakteria ambao husababisha magonjwa ya zinaa, ikiwemo VVU. FC2 pia hutoa kinga ya ziada dhidi ya magonjwa ya zinaa kwa kufunika viungo vya nje vya mwanamke na sehemu ya chini ya uume.





Kabla ya kufungua FC2

- Angalia tarehe ya kuisha muda wa matumizi ambayo imegongwa kwa muhuri mbele au kwenye upande wa pakiti ya FC2.
- Sambaza kilainishi ndani kuzunguka kwa kusugua pakiti kwa mikono yako.





Fungua pakiti


- Ili kufungua pakiti, chana moja kwa moja kutoka kwenye mshale hapo juu kisha utoe kondomu.
- Usitumie mkasi, kisu au meno yako kufungua pakiti.





Kuingiza FC2


- Shika pete ya ndani kati ya kidole gumba chako na kidole cha mbele.
- Bonyeza pembe za pete ya ndani pamoja ili kutengeneza uimara.






Kuingiza FC2

Unaweza kuingiza FC2 kwa njia nyingi tofauti. Tafuta mkao wa starehe. Hii inaweza kuwa kusimama, kukaa, kuchuchumaa au kulala chini.






Kuingiza FC2


Gusa mashavu ya nje ya uke wako na uyapanue.







Kuingiza FC2

- Tumia upande wa pete ya ndani uliobonyezwa kusukuma FC2 kuingia ukeni mwako.
- Sogeza kidole cha kwanza au cha kati ndani ya kondomu na sukuma ndani ya uke wako mbali kadri uwezavyo, kwa kutumia pete ya ndani.
- Hakikisha kondomu haijazungushwa na imekaa vizuri dhidi ya kuta za uke wako.





Kuingiza FC2


Sehemu ndogo ya kondomu, ikiwemo pete ya nje, inakaa nje ya mwili wako na iko juu ya mashavu ya uke wako, kwa sehemu inalinda viungo vyako vya nje vya kujamiiana na kufunika sehemu ya chini ya uume wa mwenzi wako.






Kuingiza FC2

FC2 huingia ndani sambamba na uke wako na kuziba shingo ya kizazi. Shingo ya kizazi chako ni ndogo sana kiasi kwamba haiwezekani FC2 kupenya eneo hili.





FC2 wakati wa kujamiiana

- Shika pete ya nje wakati mwenzi wako anapoingiza uume wake ndani ya kondomu. Uume wake ukishaingia ndani ya kondomu, sio lazima uendelea kushikilia pete ya nje.
- Kwa raha ya ziada unaweza kutaka kuongeza kilainishi zaidi ndani au nje ya FC2 au moja kwa moja kwenye uume wa mwenzi wako mara tu kondomu baada ya kondomu kuingizwa.
- Kamwe usitumie kondomu ya kiume na ya kike wakati mmoja. Kutumia kondomu hizo mbili kwa pamoja hakuongeza kinga bali huongeza nafasi ya moja au zote kupasuka.







Matatizo kushindwa kwa FC2

Tafadhali zingatia!

Mwenzi wako anatakiwa kuchomoa uume wake mara moja endapo:

- Uume wake utaingia kati ya kondomu na kuta za uke. Hili likitokea unapaswa kurudisha pete ya nje katika nafasi yake kabla hajaingiza tena uume wake ndani ya kondomu.
- Pete ya nje itakua imesukumwa ndani ya uke wako. Hili likitokea unapaswa kutumia FC2 mpya.






Baada ya kutumia FC2

- Kutoa FC2, shika pete ya nje na izungushe kuzuia shahawa kumwagika. Ni vyema ufanye hivi kabla haujasimama. Vuta kondomu nje polepole, ifunge kwenye tishu au pakiti tupu, na kisha itupe kwenye ndoo ya uchafu.
- Unapaswa kutumia FC2 mpya kwa kila tendo la kujamiiana. Kamwe usitumie FC2 ambayo imeshatumika.





www.fc2femalecondom.com | Kwa taarifa zaidi, tafadhali wasiliana na: info@fc2femalecondom.com
f @FemaleCondomFC2 |  @FC2FemaleCondom |  FC2FemaleCondom

Kondomu ya Kike ya FC2 inatengenezwa na The Female Health
Company | Chicago USA/ London UK/Malaysia

